

**Disputatio
theologica de sacro
baptismo: Dei o. m.
auxilio, in Regiâ
Academ...**

Svenonius, Enevald,

11 Ae 4:o (var. a)



National Library
of Sweden

Var A

Dij
No

IN NOMINE JESU!
DISPUTATIO THEOLOGICA
DE
SACRO BAPTISMO

Dei O. M. Auxilio,

In Regiâ Academiâ Aboënsi publicè examinanda,

PRÆSIDE

ENEVALDO SVENONIO,

Q. G. Al. S. S. Theol. Doct. & Prof. Publico.

RESPONDENTE

AMBROSIO SVENONIS NIDULIO

Smol. S. R. M. Alumno.

In Audit. Super. & Maximo die 4. Decembr. A.º

Ἰανουαριου 1663. horis ab 8. matut.

A B O Æ.

Excusa à PETRO HANSONIO Acad. Typ.

29



D. Lindberg

Plurimum Reverendis, Clarissimis atq; Spectatissimis

VIRIS:

Dn. M. ABRAHAMO THAUVONIO,
in Regiâ Universitate quæ Aboæ est, S. S. Theol. Prof.
celeberrimo, Consistorij utriusq; Assessori gravissimo,
Pastori Ecclesiæ Rånnemåctis vigilantissimo, nec non
Præposito Halikoënsi dignissimo, Mecænati præceptorî &
promotori omni observantiæ cultu ætatem devenerando.
Dn. P E T R O Gers Acad. Aboënsis Quæstori
prudentissimo, Fautori & Benefactori multis nominibus
honorando.

Dn. M. JOHANNI LIMNÆO, Phys. ac Lo-
gices in celebri Gymnasio Wexionensi Lectori laudatis-
simo &c. fautori ac promotori familiaritèr colendo.

Dn. M. LAURENTIO LINDELIO, Civita-
tis laudabilis, quæ Junecopia dicitur, Pastori dignissimo,
ut & Territorij adjacentis Præposito accuratissimo, fau-
tori itidem ac promotori, quovis reverentiæ obsequio
perpetim honorando ac suspiciendo.

Dn. M. P E T R O ERLANDI WIRCKNÆO,
Pastori Insulæ Braheæ, quæ Wijsingzburgum appellatur,
meritissimo, nec non Ecclesiarum circumcircà totius Co-
mitatus Præposito attentissimo, præceptorî olim maxi-
mè fideli, *Ευσεβέρη* ac promotori, sincero animi affectu
æternum prosequendo.

Dn. JOHANNI WERNER Statuario & Picto-
ri perquàm industrio, parenti amantissimo.

*Exercitium hocce Academicum, Animi gratissimè
ætem magis, propter amplioris promotionis
spem Reverenter & perofficose dedicat*

AMBROSIUS S. NIDULIUS.



COLLEGIUM THEOLOGICUM
DISPUTATIO SYNOPTICA XX.

De

SACRO BAPTISMO.

PRÆSIDE

ENEVALDO SVEN. Q. G. Al. S. S. Th. D.

& Professore Publico.

Respond. AMBROSIO NIDULIO, Smolando, S. R. M. Stip.
Examinanda Aboæ, in Audit. Max. ad diem 4. Decemb. A. g. 1663.

THESES. I.

Successit circumfisioni Baptismus, περιτομή ἀχειροποιήτη, Coll. 2: 11. Et ut est ἀπὸ τῆς βαπτίζαν; ita significat 1. in Genere, quamvis ablutio-
nem sive immergendo fiat, sive aspergendo, Marc. 7: 4. Eph. 5: 26. Tit. 3: 5. 1. Pet. 1: 2. Fallunt igitur qui per baptismum asperionem proprie non significari fingunt, utpote Bellarm. L. 1. de Bapt. c. 1. Calv. L. 4. Inst. c. 15: §. 19. 2. μεταφορικῶς, crucem, martyrium atq; mortem, Matth. 20: 22. Marc. 10: 38. Aliàs baptismus Sangvinis dictus. 3. ἐν εὐδοχίᾳ χάριτος, larga Spiritus S. dona, Matth. 3: 11. Act. 1: 5. quem baptismum Fluminis appellant. 4. In Specie, baptismum Fluminis, ut in presenti negotio.

II. Baptismus est N. Test. Sacramentum prius, quo homo vivus aquæ immersus vel eadem aspersus in nomine Patris, Filij & Spiritus Sancti, Regeneratur & Renovatur, Matt. 28: 19. Marc. 16: 16. Joh. 3: 5. Tit. 3: 5.

III. Hinc Lutherus noster in Catech. Min. Baptismum non esse simpliciter aquam dixit, sed quæ sit divino mandato inclusa, & verbo Dei comprehensa: non tam ergò eò loci B. Megalander ad Genus, quam ipsam Materiam & causas quoq; externas respexit, quòd probè animadvertendum est contra omnes Calumniatores Keckermannos.

IV. I. Primus autor Baptismi Deus est, qui solus dare ac confirmare gratiam potest: nam & Johannes Baptistista unà cum Jesu discipulis, non nisi divino manda-

Baptismus est prior Sacra Lectura et posterior to &

Definitio
Baptismi

to & autoritate baptizavit, Matth. 21: 25. Luc. 7: 30. Joh. 1: 33. c. 3: 22. c. 4: 1. 2. Et quidem in Remissionem peccatorum, Mar. 1: 4. Luc. 3: 3. quæ est actio, loquendo de autoritate propriâ, solius Dei, Pl. 51: 6. & 103: 12. Esa. 43: 25. Dan. 9: 9. Matth. 18: 18. Sic Christi baptismum tota S. S. Trinitas evidenti testimonio comprobavit, Matth. 3: 16. 17.

V. Administrator verò Baptismi est ordinariè Ecclesiæ Minister, ad publicam Evangelij prædicationem legitimè vocatus; conjunxit enim Salvator *Docere & Baptizare*, Matth. 28: 19. In summo tamen casu necessitatis ab homine privato, in Christianâ Religione de S. S. Trinitate rectè instituto, posse baptismum administrari, omnes *γρηγοριος Lutherani* doctores affirmamus, neq; hâc in re discrimen inter viros & foeminas facimus, Gal. 3: 28. 1. Pet. 3: 7. c. 2: 9. Apoc. 1: 6. c. 5: 10. Confer Luc. 2: 36. 2. Tim. 1: 5. c. 3: 15. Act. 2: 17. c. 18: 26. c. 21: 9. Rom. 16: 3. *Γρηγοριος βαπτισμον* a. in specie confirmant exempla Zipporæ, Exod. 4: 25. & Foeminarum Israeliticarum, 1. Mac. 3: 63. 2. Mac. 6: 10.

VI. Nota: Utrinq; opus esse cautione, ne vel in Scyllam cum Pepuzianis, qui sacerdotium ad eò commune fecerunt, ut eo etiam mulieres ordinariè honorarent, Augustin. de Hæres. c. 27. vel in Charybdim incidamus cum Calvinianis, qui baptismum à foeminâ administratum pro nullo, vel etiam fabula æstimant, Calvin. Lib. 4. Instit. c. 15. §. 20. 21. 22. Beza in Coll. Momp.

VII. 2. *Materia*, eaq; terrestris est Aqua vera, pura & naturalis, verbo Dei ad hunc finem Sacramentalem ordinata, Joh. 1: 33. c. 3: 5. Eph. 5: 26. Matt. 3: 16. Marc. 1: 9. Luc. 3: 21. Act. 2: 41. c. 8: 38. Rectè proinde Lombardus ait: *Celebratur hoc sacramentum tantum in aqua vel idèd, ut nullam inopia excusaret, quod posset fieri, si in alio liquore fieret*, Lib. 4. dist. 3.

VIII. *Calvi.*

VIII. *Calviniani* igitur dum quovis etiam alio liquore ritè baptismum fieri contendunt, & aquam in Aphorismo Christi, Joh. 3: 5. *Nisi quis renatus fuerit ex aqua*, non de Elemento aquæ, sed vel de agnitione Christi & consolatione fidei, ut Zvingl. T. II. L. de Bapt. p. 70. 71. vel de renovatione cordis per Sp. Sanctum, ut Bulling. in Dec. serm. 8. vel pro ipso Spiritu S. ut Calv. Inst. L. 4. c. 16. §. 25. vel de verbo Dei, ut Gualterus in Hom. &c. interpretantur; Ne hilum sunt tolerabiliores antiquis hæreticis, *Seleucianis* & *Hermianis*, qui circa A. Ch. 380. igne & non aquâ baptizandum esse docuerunt, referente *Philastrio de Hæres. Nec non Paulicianis*, & *Jacobitis* &c. quorum illi loco aquæ dictum Joh. 4: 14. *Ego dabo aquam*; hi crucem adhibebant &c. Conf. August. de Hæres. c. 59. & alibi

IX. *Materia cœlestis, juxta nonnullos est verbum Mandati.* *Euntes docete, baptizantes*, Matth. 28: 19. *Alijs verbum promissionis: Nisi quis renatus fuerit* Marc. 16: 16. Verùm quia illud ad causam Efficientem; hoc ad Finem & Effectum pertinet, rectius sentiunt, qui ex verbis inst. de cœlesti materia judicant, quæ proinde nequit esse alia, quam *Nomen totius S. S. Trinitatis* in quo baptizamur, Matth. 28: 19. Ubi nomine Filij intelligitur *Ἰησοῦς Χριστός*, ne quis sanguinem Christi putet è Baptismo excludi, à quo suam habet virtutem, cum sit fundatus in Morte & Resurrectione ejus, Rom. 6: 3. 1. Pet. 3: 21. 1. Joh. 1: 7. Verè enim Christus baptismo adest ac præsentissimè totus præest; imò in ipso & per ipsum efficacissimè operatur.

X. Meros ergò fumos vendit & simplicioribus fucum facit Beza, dum sanguinem Christi inter substantiales baptismi partes quidem referat; non tamen veram & realem intelligat præsentiam, multò minus sanguinis cum aquâ unionem sacramentalem, ejus vî, unâ & eadem dispensationis actione infans, mediante aquâ, Christi sanguine aspergatur & à sordibus peccati

peccati abluatur; sed nudam sanguinis Christi à baptismo longissimè distans representationem, Colloq. Momp. fol. 367.

Forma
Ept.

XI. 3. Forma, eaq; Externa una, est in aquam immer-
sio vel ejusdem aspersio; illa præfigurata in diluvio, 1. Pet.
3: 21. Hæc in sanguine pecuino sacrificiorum, quo tin-
cti & aspersi fuerunt sancti Dei homines in V. T. Exod.
24: 8. Altera, est verborum Institutionis pronuntiatio:
Ego Te baptizo in Nomine Patris & Filij & Spiritus Sancti.
Adest enim huic actui, peculiari planè huicq; sacramen-
to conveniente modo, Deus Pater, 1. Pet. 3: 21. Tit. 3: 5.
Deus Filius, Eph. 5: 25. 26. Rom. 6: 3. Gal. 3: 29. Et Deus
Spiritus S. Joh. 3: 5. Tit. 3: 5.

XII. Nota benè 1. Quòd hanc Formam abdicemus Dia-
bolum cum omni suâ malitiâ, technis seu operibus, ejusq;
satellitibus, hæreticis scilicet ac improbis seductoribus,
quemadmodum Forma baptizandi nostrarum Ecclesia-
rum expressè cum ἑρῶς τῆς διαβολικῆς docet. 2.
Quòd nullo prætextu liceat hanc Formam mutare, ut
factum esse accepimus a. A Gnosticis, qui in nomine igno-
ti patris baptisma contulerunt Iren. L. 1. c. 18. β. ab Aria-
nis, qui baptizârunt in solo Patre, exclusis. à Deitate Fi-
lio & Sp. S. notante Hier. adv. Lucif. γ. Eunomianis, qui
in mortem Domini, Socr. L. 5. c. 23. δ. Eis qui in S. cru-
cem Bernh. Ep. 340. e. Pontificijs nonnullis, qui addendo
nomen Mariæ semper virginis. Guil. c. 2 de Bapt. 5.
Antiquis Argentinensibus ac Zwinglianis, qui verbis: secun-
dum Dei Electionem baptizârunt; Zanch. T. VII. Nec ob-
stat, quod Apostoli baptizâsse leguntur in nomine Jesu
Christi, Act. 2: 38 &c. cum non Forma istis vocibus de-
scribatur, sed Efficiens, Finis & Effectus; nempe ex in-
stitutione, autoritate, jussu & efficacia Christi. 3. Quòd
vî hujus Auspiciij pretioso titulo nominemur Christiani;
sed

Obio.

Resp.

sed quia eundem sibi arrogant omnes hæretici & Pseudo-Christi, in casu necessitatis insuper meritò denominamur Lutherani, exemplo *Iona*, qui non solum Deicolam se nuncupat, sed & *Ebraum*, Jon. 1: 9. *Pauli*, vocantis se *Pharisaum*, Act. 23: 6. *Nathanaelis*, quem Christus cognominat *Israëlitam*, Joh. 1: 47. Conferatur gravissima admonitio ipsius *Lutheri*, Tom. Sec. Jen. Germ. pag. 92.

XIII. Interna Baptismatis Forma est ipsa partium sacramentalium unio mystica ac *συσσις* aquæ ad SS. Trinitatem, quam unà cum omnibus ejus beneficijs complectitur, non *συναρρινωσ* modò, sed & *μεταδορινωσ*: ita ut S. Trinitas cum aquâ & per aquam in hominibus qui ritè baptizantur, Regenerationem & Renovationem efficacitèr operatur, Joh. 3: 5. Eph. 5: 27. Tit. 3: 5. 1. Pet. 3: 21.

XIV. Abeant Calviniani, qui & Analogiam quandam hîc sacramentalem committunt, quam in Representatione ablutionis internæ factâ per aquam foris, consistere non sine ingenti blasphemiâ mentiuntur, Calv. L. 4. Inst. c. 15. § 14. Beza part. 2. Resp. ad coll. Momp. p. 117. *β.* Geminum fingunt baptismum, externum scilicet & internum, aquæ & Spiritus. Calv. Inst. L. 4. c. 15. § 8. Beza p. 2. Resp. ad coll. M. p. 114, 115. contra expressam literam: Unum Baptisma, Eph. 4: 5.

XV. 4. Finis Baptismi principalis est 1. Regeneratio *α.* Remissio peccatorum, Marc. 1: 4. Luc. 3: 3. Joh. 3: 5. Act. 2: 38. c. 22: 16. Tit. 3: 5. 2. Vitæ Novitas & sanctificatio, Rom. 6: 3 4. Col. 2: 11. 3. Ingressus in Ecclesiam ac receptio in fœdus Dei, quod hâc ceremoniâ obsignatur tanquam validissimo divinæ voluntatis Sigillo, Rom. 8: 15. Gal. 4: 6. 1. Pet. 3: 21. 1. Joh. 5: 8. 4. Æterna salus, Gal. 3: 26. 27. 1. Cor. 12: 13. Col. 2: 11. seqq. Tit. 3: 5.

XVI. Minus principalis Finis est *α.* Testimonium introductionis in Ecclesiam, Act. 2: 39. Gal. 3: 27. 1. Cor. 12: 13. *β.* Monumentum mortis, sepulturæ & Resurrectionis Christi

Christi, Rom. 6: 2 seqq. γ. Discretio à paganis, Turcis atq; Judæis. δ. Commonefactio de cruce, &c. &c.

iff. 19

XVII. 5. Effectus peculiaris baptismi est obligatio mutua Dei ad servandum fœdus, hominisq; ad tenendam Fidem, ut scilicet hunc verum Deum Trinum rectè agnoscamus, & colamus inq; cum credamus; ideòq; vocatur ἐπερωτημα ἀγαθῆς συνειδήσεως, 1. Pet. 3: 21. Requiritur ergò omninò ad Regenerationem Fides, vel du- dum generata in adultis catechumenis, vel jamjam ge- neranda in baptizandis infantibus, Marc. 16: 16. Qui cre- diderit & baptizatus fuerit &c.

XIX. Ad finem & effectum pertinet quoq; Ne- cessitas baptismi, quam admodum ingentem esse (intel- lige tamen hypotheticam: nam infantes fidelium sicut & Catechumenos ante bapt. morientes extraordinariè sal- vari minimè dubitamus, idq; ad versus crudelitatem Pon- vari minimè dubitamus, idq; ad versus crudelitatem Pon-

1. tificiam) probari potest Ex 1. Asseveratione gravissima

2. Salvatoris, Joh. 3: 5, Nisi quis fuerit Renatus &c. 2. Naturâ circumcissionis, cui bapt. successit, Gen. 17: 14. Col. 2: 11. 3.

3. Mandato divino, Matt. 28: 19. 4. Conjunctione Fidei & bapt.

4. Marc. 16: 16 5. Necessitate finis, Remiss. adoptionis 6. Ex-

7. emplis, Act. 2: 38. c. 22: 16. Accedit autoritas Aug Conf.

Art. IX: de Baptismo, ait, docent, quod sit necessarius ad salutem, quodq; per baptismum offeratur Gratia Dei, & quod pueri sint baptizandi, qui per bapt. oblato Deo, recipiantur in Gratiam Dei. Damnant Anabaptistos qui improbant baptismum puerorum, & affirmant eos sine baptismo salvos fieri.

oblum Bapt. XIX. 6. Objectum baptismi sunt 1. Adulti, sed non ni-

si catechismum vel doctrinam salutis fundamentalem e- docti, Matt. 28: 19. Ac sine omni hypocrisis imò ultrò ac-

cedentes, ut Eunuchus, Act. 8: 27. Cornelius c. 10. 46. &c.

2. Infantes, quorum baptismus hisce firmamenti stabili-

tur a. Necessitate tollendi communem labem, Joh. 3: 5. 6. 1. Cor.

Cor. 15: 50. *β. Universali Dei gratiâ*, 1. Tim. 2: 4. 2. Pet. 3: 9. Matth. 18: 14. *γ. Vocatione parvulorum*, Matth. 19: 14. Mar. 10: 14. 15. 16. Luc. 18: 15. *δ. Sacramentorum imprimis baptismi ad totam Ecclesiam pertinentium amplitudine*, Eph. 5: 26. *ε. Generali Mandato*, Matth. 28: 19. *ς. Finibus & effectibus sacrae lotionis*, qui etiam infantes attinent, Act. 2: 38. c. 22: 16. Joh. 3: 5. 1. Cor. 12: 13. Tit. 3: 5. Col. 2: 12. Gal. 3: 27. *ζ. Prophetica predictione*, Esa. 49: 22. *η. Typis* 1. Cor. 10: 2. 1. Pet. 3: 21. *θ. Praxi Apostolorum & primitivæ Ecclesiæ Exemplis*, Act. 16: 15. 33. c. 18: 8. 1. Cor. 1: 16. Unde Orig. in c. 6. ad Rom. ait: *Ecclesia ab Apostolis traditionem accepit, etiam parvulis dare baptismum.* Et Augustin. L. 1. de pecc. merit. c. 16: *Traditio hac, ait, à Domino per Apostolos manavit.*

XX. Cœterum constanter etiam adv. Calvinianos urgemus, Christianorum infantes non nasci fideles & sanctos, sed potius esse immundos, in peccatis conceptos, imò peccatores & filios iræ, Ps. 51: 7. Joh. 3: 6. Rom. 3: 12. 23. Eph. 2: 3. 1. Joh. 1: 8. seqq. Impia igitur vox Zvinglii est: Quod non gratiam afferat baptismus, sed gratiam factam esse ei cui datur Ecclesia testatur, Conf. ad Carol. V. A. 30. Art. 7.

XXI. Et cum de initio salutis infantum disputatur, tenendum, quòd alia sit *Sanctitas Civilis legitime scilicet natorum*; alia *Legalis* nempe proborum; alia *Ecclesiastica*, per quam aditus fidelium natis ad Ecclesiam patet; alia *Interna ac fœderalis*, de quâ quæstio vexata instituitur. Quocirca fordent *Bezæ verba*: Primus ad Dei fœdus ingressus est, in Ecclesiâ & ex pijs parentibus natum esse, non autem baptisatum esse, Part. II, Resp. ad Colloq. Mompelgart. pag. 130. 131.

XXII. Nec minùs seriò ab *Anabaptistarum, Calvinianorum* aliorumq; injuriâ, infantum baptizatorum actualis Fides est propugnanda: conveniunt enim illi omnes, distando hos eosdem infantes propriè dictam fidem non habere, videatur colloq. Frankenthal. nec non Beza Resp. 2. ad acta Momp. p. 99. 102. *Orthodoxa verò sententia, quod infantes ordinariè per baptismum solum actu credant, confirmatur* 1. *Expressis SS. oraculis*, Matt. 18: 6. Marc. 9: 42. c. 1. 10: 13. seqq. Luc. 18: 15. seqq. 2. *Fidei proprietatibus infantibus* 2. attribus

attributis, Ps. 8:3, conf. 1. Cor. 14:20. cum Matth. 18:3. 1. Joh.

2:14. 3. Vera Fidei effectibus, conf. Matth. 19:14. cum Joh.
3:18. item Marc. 16:16. Joh. 2:4. Tit. 3:5. Gal. 3:27. Act. 4:12.

4. Analogiâ circumcis. quæ tam infantibus quàm adultis fuit
justitiæ fidei signaculum, Rom. 4:11. 5. Absurdo a. q: aliud
medium salutis infantes, aliud adulti haberent, contra ex-
pressam literam, Act. 15:11. Rom. 3:28. Gal. 2:16. 6. Quasi
Sacramenta sine fide profint. 7. q: baptisus in infantibus
non Entis obfignatio fit 8. q: inter fideles & infideles Joh.
3:16. detur medium. 6. Remotione impedimenti, partim
Physici, quale est usus rationis defectus; partim hyperphysici
quale, verbi auditi negatio; illum non esse in causa, ex-
empla circumcisorum & Joh. Baptistæ arguunt; hanc sup-
plet ipse baptisus.

11 XXIII. Tollitur per baptisus peccati Formale Re-
11 latum ipse Reatus. Formale verò Absolutum vitiositas e-
11 jusq; avocia manet, idq; non quoad ipsam damnatio-
11 nem sed tantum damnabilitatem: Nihil enim damnationis est
11 in his qui sunt in Christo Iesu, Rom. 8: De Materiali absoluto,
quod est subjectum vitiositatis, non attinet nunc amplius
differere; Materialiale Relativum est actus habitusve malus,
qualis est concup. orig. quæ non nisi per mortem tollitur.

XXIV. Tandem quia Calviniani nobiscum non consentiant: quod om-
nes nascantur Filij iræ, quod omnibus ad salutem baptisus sit necessarius,
quod infantes per eum Christo inserantur ac verè regenerentur &c. dum
necessitatem ejus multis modis enervent, dudum signum vocitent, embrio-
nes piorum parentum ad corpus Christi ordinariè pertinere dicant, & alii
os errores circa hanc art. damnatos in Anabaptistis ab Aug. conf. & Form.
Conc. crassissimos foveant: ut ex publicis eorum confessionibus constat.
Nullam cum ijs concordiam in hoc puncto fidei inire vel tenemus, vel
salvâ conscientiâ possumus aut debemus, Quod contra Syncretismum Rin-
thelio Marpurgensem animadvertet.

XXV. De Baptismo Joh. ejusq; differentiâ à bapt. Apostolorum, usu
baptismi per totam vitam, adjunctis, ritibus ac ceremonijs differere in hæc
brevitate prohibemur.

Quæstiones.

1. An duo tantum sint Sacramenta N. T.ii ? A.
2. An Baptismus omninò necessarius sit ad salutem ? A. D.
3. An peccatum tollitur in Baptismo ? etiam A. D.
4. An Baptismus semel legitimè administratus, iterandus sit ? N.
5. An in Sacramento Baptismi, loco Aquæ, aliquis alius liquor adhiberi debeat ? N.
6. An infantes Christianorum ritè Baptizati, fidem habeant Salvificam, integram, propriè dictam & non equivocam ? A.
7. An ritus iste, quo Baptismus apud nos hodierno tempore administratur, legitimus sit ? A.

Ad Politissimum

Dn. Ambrosium Nidulium,

Respondentem de Baptismo,

ὁμοχόρων τὸν Φιλομαθέα:

O Jordane, tui nos Sangyinis amne lavabas,
Fluminis & pariter Flamine Christe tuo,
Flamine qui pleno inte flumine semper inundat,
Undè & inexhaustas tu quoq; fundis opes.

Nectare

*Nectare & Ambrosiâ satiaberis Ambrosi amandè,
Cum redeas, sacro fonte rigatus, ovans!*

L. Mq̄

PRÆSES.

*Solers ingenuis, qui dogmata sacra, Camœnis
Conjungit, studijs consulit ille suis.*

*Hoc agis assiduus quoniam perdocte Niduli,
Eximia properans scandere laudis iter.*

*Ingentes igitur latus tibi gratulor orsus,
Ut coepris faveat, comprecor alma Trias.*

*Fac modò sic pergas, nec sit grave ferre labores,
Sic tua promeritus tempora cinget honor.*

*Eximiâ eruditionis laude, nec non
morum concinnâ elegantia
Ornatissimum Dn. Respon-
dentem hac stili gratulatio-
ne prosequutus sum*

JOHANNES ALANUS.

